

**Láhkaásahus Finnmárkku šládjes lastavuvddiid suodjalanplána birra. Goššjoga álbmotmeahci suodjaleapmi Kárášjoga gielladas, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrafas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

**§ 1. Ráddjejuvvi**

Álbmotmeahcci guoská čuovvovaš dállo nr./doallo nr. Kárášjoga gielladas: 26/1, 28/1, 28/4.

Álbmotmeahcci gokčá su. 1278 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 15 000. Álbmotmeahci dárkilis rájit galget merkejuvvot eatnamii. Čieget merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Kárášjoga gielladas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

**§ 2 Ulbmil**

Suodjaleami ulbmil lea sealluhit measta lihkatkeahces lastavuovdeguovllu ekovuogádahkan oktan buot lunddolaš šattodagain ja ealliiguin. Erenoamáš kvalitehtat leat ollu nuortašlájat. Guovlu lea dieđalaččat mávssolaš kontinentála gieddesoahkevuvddiid šládjaguovllun.

Álbmotmeahci luondduvuđđosa dikšun lea dehálaš sámi kultur- ja ealáhusávkkástallamii. Guovllu galgá sáhttit geavahit boazodollui.

**§ 3 Suodjalanmearrádušat**

Álbmotmeahccái gustojit čuovvovaš mearrádušat:

1. Šattodat, dás maiddá jápman muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddá beasit ja biejut, leat ráfáiduhthojuvvon vahágahttima, bilideami ja dárbbasmeahhtun ráfahuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čađahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkanusaid, guođdit kámpenvávnnaid, bráhkáid jed, fatnasiid giddet boijjaide dahje guođdit gáddái, bidjat eatnanbajábeallásaš jođđasiid, eanajođđasiid ja duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloáhka dahje eará

čoahkaiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhttinávnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maiddáí áibmofievrru girdileapmi ja seaivun, lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtta vuhtiiválddidettiin ráfáiduhhtinulbmila láhkaásahusain gielddit dahje muddet johtolaga oppa álbmotmeahcis dahje dan osiin.

#### § 4 *Oppalaš spiehkastagat*

3. § mearráduusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuojalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearráduusat eai hehte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjiid ja borramušguobbariid.
5. Bivdima ja gárduma fuođđolága vuodul ja guolásteami luossa- ja sáivaguolástanlága vuodul.
6. Čorgemis bálgáid.
7. Ávnnasteami duoji várás.
8. Dárbbášlaš mohtorjohtolaga buohcci ja lápmašuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá diedihit bearráigeahččui.

3. § nr. 1-4 mearráduusat eai hehte:

9. Vuodjimis muohtaskuhteriin dárbbu mielde boazodoalu oktavuodas.
10. Geavaheames mohtorfatnasa jogas.

#### § 5 *Vejolaš spiehkastagat ohcama vuodul*

Hálddašaneiseváldi sáhtta ohcama vuodul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Geavahit mohtorfievrru dárbbu mielde dálvesiivun muoraid geasehit.
4. Geasehit mohtorfievrruin dárbbu mielde báhččojuvvon ealgga.
5. Johtalit mohtorfievrruiguin dárbbu mielde bievlan boazodoalu oktavuodas.
6. Johtalit mohtorfievrruiguin dárbbu mielde hárjehallanvuodjima oktavuodas dakkár áigumušaiquin, mat leat namuhuvvon 4. § 1. čuoggás.

Boazodoalu várás láchččojuvvo vejolašvuhta oazžut mánggajagáš lobiid, mat boazodoalus galget oktiordnejuvvot ja váldojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

## **§ 6** *Oppalaš sierralohpemearrádušat*

Hálddašaneiseváldi sáhtta spiehkastit láhkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

## **§ 7** *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válldi, sáhtta čadahit dikšundoaibmabijuid maiguin ollašuhtta suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

## **§ 8** *Hálddašaneiseváldi*

Luondduhálddašandirektoráhta mearrida geas galgá leat hálddašanváldi dán láhkaásahusa vuodul. Sámi beroštusat galget fuolahuvvot dan hálddašanortnegis mii ásahevvo.

## **§ 9** *Fápmuiboahhtin*

Dát láhkaásahus boahhtá fápmui dálán.